



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-1-40-355-8/23**
Datum: **02.07.2024. godine**

«Agencija za vodno područje rijeke Save» Sarajevo rješavajući po zahtjevu Investitora „MEDŽLIS ISLAMSKJE ZAJEDNICE BIHAĆ“ Bihać za izdavanje prethodne vodne saglasnosti za legalizaciju izgrađenog objekta džamije i izgradnju i rekonstrukciju mezaristana, na lokalitetu u naselju Izačić, grad Bihać, na osnovu člana 139. stav (1) Zakona o vodama («Službene novine Federacije BiH», broj 70/06) i člana 218. Zakona o upravnom postupku («Službene novine Federacije BiH», br. 2/98, 48/99 i 61/22),
donosi

ZAKLJUČAK

1. Odbacuje se zahtjev Investitora „MEDŽLIS ISLAMSKJE ZAJEDNICE BIHAĆ“ Bihać za izdavanje prethodne vodne saglasnosti za legalizaciju izgrađenog objekta džamije i izgradnju i rekonstrukciju mezaristana, na parcelama označenim kao k.č. 3510/8, 3510/12, 3510/13 i 3510/17 K.O. Izačić, lokalitet u naselju Izačić, grad Bihać, s obzirom da za predmetnu aktivnost nije Zakonom propisana obaveza pribavljanja vodnih akata od strane ove Agencije.
2. Ovaj Zaključak ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.

Obrazloženje

Pravno lice „Medžlis Islamske Zajednice Bihać“ Bihać se obratio zahtjevom Agenciji dana 15.08.2023. godine za izdavanje rješenja o prethodnoj vodnoj saglasnosti za legalizaciju izgrađenog objekta džamije i izgradnju i rekonstrukciju mezaristana, na parcelama označenim kao k.č. 3510/8, 3510/12, 3510/13 i 3510/17 K.O. Izačić, lokalitet u naselju Izačić grad Bihać, za izdavanje prethodne vodne saglasnosti za legalizaciju izgrađenog objekta džamije i izgradnju i rekonstrukciju mezaristana, na lokalitetu u naselju Izačić, grad Bihać kako je navedeno.

Na lokalitetu novoizgrađene džamije nalazi se i staro mezarje udaljeno oko 50 metara od objekta. Novo mezarje bi trebalo po Studiji izrađenoj za ishodovanje vodnog akta biti locirano između objekta džamije i starog mezarja. Kako navedeni objekti nisu navedeni u Zakonu o vodama kao objekti za koje je propisana obaveza ishodovanja vodnih akata ako nisu u vodnom dobru vode prve kategorije, niti reproduciraju tehnološke otpadne vode, saglasnost za iste izdaju organi lokalne zajednice, kao što je već i učinjeno te je ishodovana prethodna vodna saglasnost grada Bihaća broj: 04/2-21-1679/23 dana 27.02.2024. godine. Uvidom u odluku gradskog vijeća Bihać o Zonama sanitarne zaštite izvorišta vode za piće Klokot, navedeni lokalitet se ne nalazi unutar zona obuhvata definisanih odlukom.

U provedenom postupku dostavljena je i pregledana sljedeća dokumentacija:

- Studija za prethodnu vodnu saglasnost za legalizaciju objekta džamije i izgradnju mezaristana (350 mezarinih mjesta) izrađena od strane ovlaštenog pravnog lica „Euroing“ d.o.o. Bihać pod brojem SPVS 02-01/24, januar 2024. godine;
- Ovjeren Izvod iz registra Ministarstva pravde Bosne i Hercegovine u Sarajevu od 26.12.2023. godine, broj UP09-38-3-3382/23 uz Rješenje UP09-38-3-2579/21 o promjeni adrese sjedišta dana 18.11.2021. godine
- Ovjereno Uvjerenje o registraciji/upisu u Jedinstveni registar obveznika indirektnih poreza na ime Medžlis Islamske Zajednice Bihać broj: 04/1-17-1-UPJR/1-389-2/22 od 11.02.2022. godine u Banja Luci;
- Ovjereno Uvjerenje o registraciji poreznog obveznika na ime MIZ Bihać dana 13.12.2021. godine;
- Kopija uplatnice upravne pristojbe;

- Kopija katastarskog plana – broj plana 17 od 28.07.2013. godine izdato od strane Općine Bihać;
- Zemljišnoknjižni izvadak broj: 017-0-NAR-13-004 284 od 17.07.2013. godine;
- Prepis posjedovnog lista 1386/01 od 18.07.2013. godine;
- Kopija Rješenja o Prethodnoj vodnoj saglasnosti broj: 04/2-21-1679/23 izdata od strane Grada Bihaća dana 27.02.2024. godine;
- Saglasnost JP Vodovod d.o.o. Bihać broj: 01-1210/24 izdata dana 20.03.2024. godine.

Na osnovu utvrđenih novih činjenica u skladu s članom 218. Zakona o upravnom postupku («Službene novine Federacije BiH», broj 2/98,48/99 i 61/22) riješeno je kao u dispozitivu zaključka.

Uputa o pravnom lijeku:

Protiv ovog Zaključka može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Zaključka. Žalba se podnosi neposredno pismeno ili preporučeno putem pošte ovom organu i taksira se sa 15 KM takse prema tarifnom broju 3. Tarife federalnih administrativnih taksi.

Obradivač akta:

Fuad Mujagić dipl. inž.

Po ovlaštenju
Rukovodilac sektora za izdavanje
vodnih akata



Nihad Pezo, dipl.inž.građ.

Dostaviti:

- „MEDŽLIS ISLAMSKJE ZAJEDNICE BIHAĆ “ Bihać,
Ešrefa Kovačevića RV67+MRC, Bihać 77000
- ☞ AVP Sava, ISV – Vodna knjiga
- Sektor 40, arhiva
- Oglasna ploča, AVP Sava